

舊名片居<sub>片居</sub><sub>伽多</sub><sub>章</sub>此云亦曰片立<sub>片立</sub><sub>伽多</sub><sub>略</sub>知<sub>云</sub>逮我皇師之破虜也、大軍集而滿於其地、因改號爲磐余、或曰、天皇往嘗嚴<sub>兵</sub>糧出軍西征、是時礮城八十梶帥、於彼處屯聚居之、<sub>屯聚</sub>此云果與天皇大戰遂爲皇師所滅、故名之曰磐余邑、又皇師立誥之處、是謂猛田、作城處、號曰城田、又賊衆戰死而僵屍枕臂處、呼爲頰枕田。

二年二月乙巳、天皇定功行賞、賜道臣命宅地、居于築坂邑、以寵異之、亦使大來目居于畝傍山以西川邊之地、今號來目邑、此其緣也。<sub>略</sub>中又給弟猾猛田邑、因爲猛田縣主。

〔日本書紀垂仁〕二十七年、是歲興屯倉于來目邑。

〔日本書紀崇神〕六年、先是、天照大神和大國魂二神、並祭於天皇大殿之內、然畏其神勢、共住不安、故以天照大神託豐鍬入姬命、祭於倭笠縫邑。<sub>略</sub>下

〔日本書紀垂仁〕七年七月乙亥、左右奏言、當麻邑有勇悍士、曰當麻蹶速、其爲人也、強力、以能毀角申鈎、恒語衆中、曰、於四方求之、豈有比我力者乎、何遇強力者而不期死生、頓得爭力焉、天皇聞之、詔群卿曰、朕聞當麻蹶速者、天下之力士也、若有比此人耶、一臣進言、臣聞出雲國有勇士、曰野見宿禰、試召是人、欲當于蹶速、卽日遣倭直祖長尾市喚野見宿禰、於是野見宿禰自出雲至、則當麻蹶速與野見宿禰令擒力、二人相對立、各舉足相蹶、則蹶折當麻蹶速之脇骨、亦蹈折其腰而殺之、故奪當麻蹶速之地、悉賜野見宿禰、是以其邑有腰折田之緣也、野見宿禰乃留任焉。

〔日本書紀神功〕五年二月、拔草羅城還之、是時俘人等、今桑原、佐糜、高宮、忍海、凡四邑漢人等之始祖也、<sub>續日本紀三十二</sub>實龜三年四月庚午、正四位下近衛員外中將兼安藝守勳二等坂上大忌寸苅田麻呂等言、以檜前忌寸、任大和國高市郡司元由者先祖阿智使王、輕島豐明宮馭宇天皇○應御世、季十七縣人夫歸化、詔賜高市郡檜前村而居焉、凡高市郡內者、檜前忌寸及十七縣人夫滿地而居他姓者十而一二焉。<sub>略</sub>下